

Ve'rg'nekk, keä'st vuõigõõzz õõlgtet

Ää'sšvuãmsteei, kää'tt lij obbzurr tän tu'mmstõ'kke, vuä'zz oocçad tõõzz vuõigõõzz Sää'mtee'g'g kultturlu'vddkää'ddest. Vuõigeemõõlgtumuu'zz čuä'jtet Sää'mtee'g'g kultturlu'vddkäädda da tõt ålgg tuåimted vuõigeemõõlgtemääi'j se'st Sää'mtee'g'g registõõllåmkontra.

Vuõigeemõõlgtemääi'g'g

Vuõigeemõõlgtumuš ålgg tuejjeed 30 peei'v se'st tu'mmstõõgg teåttånvuä'zzmõõzzåst. Te'l ko jee'rab jeät čuä'jtuku, kiõččåt, što ää'sšvuãmsteei lij vuä'zzam tu'mmstõõggåst teåd čiičcad peei'v tõ'st, ko tu'mmstõk lij uvddum pãåsta vuõltheemalla. Pei'vv, kuä'ss ke'rjj lij uvddum pãåsta, tõt kuåsttai tu'mmstõk-kee'rj šteemplõsttum pei'vmeä'rest. Vuõigeemõõlgtemääi'j la'skke'mmen jeät tu'mmstõõgg teåttånvuä'zzampeei'v valddu lokku. Te'l ko vuõigeemõõlgtemääi'j mãåimõs pei'v lij pãåspei'vv, sue'vet, jioččnažvuõttpei'vv, valpurpei'vv, rostovkäänan le'be evvanpei'vkväänan, vuõigeemõõlgtemääi'g'g juåtkkai veål puõ'tti arggpeei'v.

Vuõigeemõõlgtumuu'zz siiskåž

Vuõigeemõõlgtumuš ålgg tuejjeed ke'rjllånji. Tõ'st ålgg ímmed:

- vuõigõõzz õõlgttei nõõm da dommkåå'dd
- tu'mmstõõgg, koozz oocçad vuõigõõzz, mãkam pãåi'ki mie'ldd tu'mmstõ'kke oozzått vuõigõõzz, mõõnnallšem muttsid tõõzz õõlgtet tuejjeed da mãkam vuådđjurddjin vuõigõõzz õõlgtet.
- pãåštaddrõõzz da te'lfon-nååmar, koozz ää'sš kuõskki vuõigõõzz å'lgge vuõltheed.

Te'l ko vuõigõõzz õõlgttei sårnamvää'ld åånn suu læä'jjlaž võboršek le'be ä'sšoomaž le'be vuõigeemõõlgtumuu'zz tuejje'ejen lij kii-ne jee'res ooumaž, vuõigeemõõlgtumuu'zzåst ålgg ílmmed še suu nõõm da dommkåå'dd. Vuõigõõzz õõlgttei, suu læä'jjlaž võboršek le'be ä'sšoomaž ålgg vuålla'keerjted vuõigeemõõlgtumuu'zz.

Vuõigeemõõlgtumuu'zz mie'lddõõzz

Vuõigeemõõlgtumu'sše ålgg õhtteed:

- tu'mmstõõgg, koozz vuõigõõzz oozzått, alggvuõõli'žzen le'be kuõrtõssån
- tu'mmstõk-konfeårt le'be jee'res čioõlgtõõzz tõ'st, koon peei'v tu'mmstõk lij uvddum teåttån da vuõigeemõõlgtemääi'g'g lij ålggam
- ä'sšoummu vä'lddkeerj
- ä'sškeerjtid, koid vuõigeemõõlgtumuu'zz tuejjei nuåjjåått õõlgtõõzz tuårjjeem diõtt, te'l ko tõk jå læä'kku vuõlthuum ååi'jab Sää'mteggå.

Vuõigeemõõlgtumuu'zz vuõlthumuš

Vuõigeemõõlgtumuu'zz vuåitt viikkåd õõlgttei tuejjei jiočč le'be suu åskkooumaž. Tõn vuåitt vuõltheed še jijjås vasttõõs-sin pãå'st mie'ldd le'be tuåimted pãkldõõzz mie'ldd.

Vuõigeemõõlgtumuš ålgg vuõltheed mãåimõõzzåst vuõigeemõõlgtemääi'j mãåimõs peei'v ouddål äävaiåårramääi'j puuttmõõžž. Sää'mtee'g'g registõõllåmkonttar äävaiåårramääi'g'g lij čiaass 8.00 - 16.00. Vuõigeemõõlgtumuš ålgg kue'dded pãåsta nu'tt, što tõt kiõrggan mõõnnåd ooudbeä'lnn peågggtum ååi'jest registõõllåmkontra.

Sää'mte'g'g/kultturlu'vddkää'dd
Sajos, 99870 AANAR

Låittmõš vuõigeemõõlgtumuu'zzåst uvddum tu'mmstõ'kke

Sää'mtee'g'g kultturlu'vddkää'dd uvddum tu'mmstõ'kke oozzått muttåž Sää'mtee'g'gest.

Sää'mte'g'g

Sajos, 99870 AANAR

te'lfonkuvddlõs 010 839 3100

Ne'ttpåå'st info(at)samediggi.fi
